




# AD REGEM,

Cùm in PACIS reditum gratulatoriam Orationem UNIVERSITATIS nomine & jussu haberet CAROLUS LE BEAU, in ejusdem UNIVERSITATIS Collegio Grassinæo Rhetorices Professor, die Jovis 27 mensis Februarii, anno Domini 1749.

O D E.



ON, qui tremendo durus ad ultima  
Concussit orbem Littora milite  
Regnator; aut lætum cruore

Quem rapit ambitio, furentem

FINES avorum extendere latius;

Sed, qui tumultus comprimere efficax,

Instar Deorum, PACIS auctor,

Ipse suos sibi junxit hostes,



SCRIBENDUS Heros. Hunc ego dixerim  
Hunc jure REGEM, qui, dominus fui,  
Regnoquè contentus paterno,  
Sceptra tenet moderator æquus.  
NON sic supremo Sol micat æthere,  
Cujus serenum nulla regit caput  
Nubes, nequè agros flamma torret  
Rore sacro benè temperata.

SECURUS alto stat Solio super:  
At si cruentâ bella manu gerens  
Erupit in terras Erinnyes,  
Egregius rapit ultor arma.  
CUSTOS suorum, Gentis amor suæ,  
Quid non patrabit? Subruet omnia . . . . .  
Audete jus læsum fateri:  
Tela libens pia tela ponet.

QUALIS trifulco Cœlicolûm Pater  
Fragore terras concutit impias;  
Idemquè mox mittit benignos  
Exitii reparator imbres.

TALEM, obstinatas immiserabili  
Perire fato dùm quateres manu  
Bellator Urbes, fulminantem  
Te Batavus, LODOICE, vidit.

VIDERE, Scaldin qui rapidum bibunt,  
Tamesis & quos fluctibus alluit:

At iusta vix primùm furori

Indomito posuere fræna,

SENSERE, quid mens recta, quid æquitas,

Quid celsa posset vis sapientiæ,

Quam, pace, seu bello, beandæ

Utilitas regit una Gentis.

VIRTUTIS ô tu conscia Gallicæ,

Tellus, Triumphis clara recentibus,

Dic, quàm paternos ille sensus

Ediderit proprios in hostes.

QUIS ordo rerum se novus explicat:

Cedunt pavores. Lurida mors fugit:

Silet tubarum clangor atrox;

Et Populi coeunt in unum.

CEU quandò Nereus temperat æquora:

Nutum ad potentem diffugiunt Noti;

Et spontè fluctus detumenti,

Sic voluit, cecidère fundo.

PACATA fidens liberioribus

Jam Nauta remis sollicitat vada;

Fructusque miranti Colono

Terra suos renovata fundit.

JAM delicatis Tela coloribus,  
Artesque vivunt ingenuæ ; & tuum  
Laborat æternare saxo  
Mnemosyne, LODOICE, Regnum.

NICOLAUS-JOANNES-FRANCISCUS COUET,  
in Artibus Magister,  
è Collegio Sorbonæ-Plessæo.

---

*Typis mandetur.* HAMELIN, *Rector.*

---

Ex Typographiâ THIBOUST, REGIS, nec-non Academiæ Parisiensis  
Typographi, in Plateâ Cameracensi.